

Nd.

828. Nefndarálit

um frv. til 1. um landshöfn í Höfn í Hornafirði.

Frá sjávarútvegsnefnd.

Sjávarútvegsnefnd hefur haft mál þetta til athugunar og sent það til umsagnar samgöngumálaráðherra. Fylgir umsögn hans hér með.

Nefndin er sammála um þá nauðsyn að ráðið verði hið fyrsta í framkvæmdir í Höfn í Hornafirði, eins og frumv. þetta gerir ráð fyrir.

Hún telur hins vegar, að eftir atvikum verði máli þessu bezt borgið og fljótast fram komið á þann hátt, að vitamálskrifstofan og nýbyggingarráð tækju að sér að framkvæma nauðsynlegar undirbúningsathuganir á málinu, áður en lög um framkvæmdirnar verði sett. Nefndin leggur því til, að frumv. verði afgreitt með svo hljóðandi

RÖKSTUDDRI DAGSKRÁ:

Í trausti þess, að ríkisstjórnin geri ráðstafanir til, að fram fari á komandi sumri nauðsynlegar rannsóknir á byggingu landshafnar í Hornafirði, Snæfellsnesi, í Þórshöfn og á öðrum þeim stöðum, þar sem nýbyggingarráð telur aðkallandi nauðsyn á þaðum hafnarskilyrðum vegna fiskveiða, og að jafnframt verði gerðar tillögur um byggingu og rekstur fiskvinnslustöðva og verbúða á þessum stöðum, þá tekur deildin fyrir næsta mál á dagskrá.

Alþingi, 13. apríl 1946.

Sig. Kristjánsson,
form.

Lúðvík Jósefsson,
fundaskr., frsm.

Finnur Jónsson.

Jóhann P. Jósefsson. Eysteinn Jónsson.

Fylgiskjal.

SAMGÖNGUMÁLARÁÐUNEYTIÐ

Reykjavík, 29. desember 1945.

Með bréfi, dags. 22. nóvember s. l., hefur háttvrit sjávarútvegsnefnd neðri deildar Alþingis óskað umsagnar minnar um tvö frumvörp til laga um landshafnir, í Höfn í Hornafirði og Þórshöfn.

Eins og háttvritri sjávarútvegsnefnd er kunnugt, hefur komið til orða að gera landshafnir á nokkrum stöðum, þar sem skilyrði virðast góð frá náttúrunnar hendi og höfnin mundi hafa þýðingu fyrir miklu fleiri en viðkomandi stað byggja. Hefur, að tilhlutun ríkisstjórnarinnar, verið flutt frumvarp um eina sílika höfn, í Njarðvík, en þar hafa farið fram ýtarlegar undirbúningsathuganir og mælingar um langt skeið, sem áætlanir eru byggðar á.

Á hvorugum þeim stað, sem hér er um að raða, hafa sílikar athuganir farið fram með hliðsjón af landshafnargerð, og teldi ég því rétt, áður en lög yrðu sett um þetta efni, frekar en landshöfnina í Njarðvík, að málið yrði betur undirbúið og að sá undirbúnингur yrði falinn vitamálskrifstofunni. Kemur þá til álita einnig, auk þeirra stað, sem hér eru nefndir, t. d. Þorlákshöfn, Rif á Snæfellsnesi, Skagaströnd og ef til vill fleiri.

Emil Jónsson.

Páll Pálason.

Til sjávarútvegsnefndar neðri deildar Alþingis.